

Tecnologa da drenascha AFQ

Tecnolog da drenascha AFQ

Planung, Hochbau, Tiefbau

Gebäudetechnik

Durada

3 onns

Terminaziun

Eidgenössisches
Fähigkeitszeugnis EFZ

Indicaziuns davart il salari

1. onn d'emprendissadi: CHF
750.-
2. onn d'emprendissadi: CHF
1000.-
3. onn d'emprendissadi: CHF
1500.-

Sco tecnologa u tecnolog da drenascha nettegias e svidas ti stabiliments per allontanar aua, sco p.ex. conducts d'aua persa u d'aua da plievgia e foss. Cun cameras controlleschas ti ils stabiliments, registreschas donns vi d'elements da construcziun u vi da conducts e reparas quels.

Incumbensas

Preparar e planisar incumbensas

- leger e chapir las incumbensas
- far calculaziuns, p.ex. dal volumen dals stabiliments per allontanar aua
- far plans e skizzas, p.ex. davart conducts da bishens
- planisar ils andaments da lavur ensemen cun ils incumbensaders, p.ex. cun vischnancas, interpresas u persunas privatas
- preparar il material ed ils vehichels
- scrire rapports d'in di e d'ina emna

Nettegiar, svidar e mantegnair ils stabiliments

- nettegiar ovas da construcziun, conducts e deflussiuns d'aua, p.ex. cun uders u squittas
- pumpar giu e dismetter correctamain restanzas, p.ex. da meds da nettegiament, d'aua persa u d'aua smerdada
- tegnair en urden ils stabiliments da deflussiun d'aua

Controllar e reparar stabiliments

- analisar stabiliments da deflussiun d'aua cun urdains adattads u roboters, p.ex. cun cameras teleguidadas
- enconuscher singularitads e parts ruttas, p.ex. irregularitads en la deflussiun da l'aua

- scriver rapports da controlla
- reparar e sanar stabiliments da la deflussiun d'aua, p.ex. fresar u spategliar ils stabiliments
- proponer las sanaziuns necessarias

Garantir la segirezza a la lavur e la protecziun da l'ambient

- controllar e mantegnair ils vehichels ed ils apparats
- stimar las ristgas da las incumbensas da lavur, p.ex. privel d'inundaziuns u perdita da material privlus
- prender mesiras a favur da la protecziun da la sanadad, p.ex. evitar blessuras u infecziuns
- proteger l'ambient e las auas e dismetter correctamain substanzas privlusas

Ambient da lavur

Sco tecnologa u tecnolog da drenascha lavuras ti tar persunas privatas u vi d'infrastructuras publicas. Ti lavuras quasi adina en pitschens teams. Ti fas servetsch da pichet ed has mintgatant servetsch durant la fin d'emna e durant la notg. Ti lavuras tant endadens sco er en il liber. Ti lavuras sut terra ed en locals stretgs. Durant tia lavur portas ti savens vestgadira da protecziun per ta proteger cunter substanzas nuschaivlas.

Ti lavuras en manaschis pitschens e mesauns che nettegian u saneschan conducts da bischens. Er tar ils uffizis da construcziun da vias u tar las sereneras datti piazzas.

Pretensiuns e interess

Pretensiuns

- Chapientscha tecnica
- Abilitad da lavurar en in team
- Imaginaziun tridimensiunala
- Resistenza corporala
- Savair supportar odurs dischagreablas
- Resistenza a la temperatura u a l'aura
- Prontezza d'esser savens sin viadi
- Prontezza da lavurar durant uras irregularas u servetschs da notg

Interess

- Lavurar en il liber
- Esser corporalmain activ
- Esser savens sin viadi
- Lavurar en il team
- Lavurar cun maschinas

Scolaziun

Manaschis

Furmaziun pratica en in manaschi dal mantegniment da chanals, da l'inspeziun da chanals u da la sanaziun da chanals: 4 dis per emna

Scola

1 di per emna al Center da furmaziun artisanal-industrial Zug (GIBZ)

Curs odaifer il manaschi

Opfikon (ZH) u Flums (SG): 12 dis durant 3 onns

Durada

3 onns

Cundiziuns d'admissiun

Terminà la scola obligatorica

Maturitad professiunala

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professiunala.

Titel da finiziun

Tecnolog / Tecnologa da drenascha AFQ

Furmaziun cuntinuonta

Curs

Curs da l'Associaziun per la furmaziun da la branscha da mantegniment da las chanelisaziuns (ADVК) ↗

<https://www.advk.ch/kurse>

Examen professiunal (EP)

– Spezialist / Spezialista da serenera EP

Scola spezialisada superiura (SSS)

Scola auta spezialisada (SAS)

– Bachelor of science en inschigneria da construcziun

Tut tenor la scola auta spezialisada valan differentas cundiziuns d'admissiun.

Professiuns sumegliantas

Ulteriuras infurmaziuns

Swissdoc Nummer

TODO

Associaziun per la furmaziun da la branscha da mantegniment da las chanelisaziuns (advk)

<https://advk.ch/>

TODO

<https://www.becc.admin.ch/becc/public/bvz/beruf/show/52504?lang=de>